

مؤسسې : ابن السري
مصطفى نامق

مدیرې : ابن السري
احمد جودت

آسيان

أدبي، علمي، اخلاقي هفته لق مجموعه در

برنجي جلد

نومرو ۴

برنجي سنه

۵ رمضان ۱۳۲۶


۱۸ ايلول ۱۳۲۴

استانبول

محل اداره سي : جفال اوغلندء دائرة مخصوصه

مطبعة عامره

۱۳۲۴



باری سزله طوقونمايك ، شو بوواسز قوشمجه ؛
 طوقونمايك ، مملكتك شو بره لی كنه ؛
 طوقونمايك ، آننه سزدر ، طوقونمايك چوجوغه ؛
 طوقونمايك ، شیمدی آغلار ، طوقونمايك كوكنه!..
 — ۲۶ آیلول ۳۲۰ — محمد آمین



یازمه یورددم . . .

اوكنده طوران كاغد ، پارمقلمك آره سنده آرتق ایصنمش ، بزار قالمش اولان
 قلم ، ایکی ساكت متفكر عاجزلركی صقینتیده ایدیلر .
 برتورلو یازمه یورددم ! روحده کی بحران ألم ، او بیتمز توكنمز جوش و خروش
 عدم ، بیلدم نهدن بنی بوغمایور ، آكلامام نیچون بندن برکتابه قبر ، آكلاشلماز
 برمرثیه وداع بکله یوردی . . .
 فقط حس ایدیورددم ؛ بوتون اعصابك غلباننده کویا یکی برماده نك ، آره صره
 روح بشرك یوزینه سرپیلهرک اونی آزیجی برسکون شادی ، یورغون براضطراب
 تسلیه نائل ایدن غربب بر آب شفاف ذی حیاتك تگون ایتدیکنی ، وحی
 دامارلرمدن ، قلبدن ، دماغدن طویلاندرق لطیف خلیجانلراچونده کوزلرله طوغری
 دوکلدیکنی طویورددم . اوح ! یازمه یورسدم ، هیچ دکلمه آغلايه جقددم .
 اوكنده طوران بوش كاغذك اوزرینه برطاقم کلهلر قویامادمسه ، اوت ، بوکتابه
 ألم واضطرابی اورایه قلملمه چیزه مدمسه ، کوزلرله یازمه جقددم . اون بن ، یا لکن
 بن او قویه جقددم . هیچ بر محررک یازیلرنده بوله مدینی بلاغت وجدانی ، بن اودامله لرده ،
 کافه معانیسی ایله - بلکه ده باقمیه رق - مطالعه ایده جکدم . . .

اوکتابه مقبر ، او آكلاشلماز مرثیه وداعك عائد اولدینی روحی پك کوزل
 بیلیورددم ، فقط چهره سنی کورمه مشدم ! بوروح ، بر عسکر نفری ایدی .
 شکلی ، خصوصاً چهره سنی طایمق ایچون آلآن کنیدی اجبار ایدرم ؛
 بوتون قوه تخلیله ی بوتقطه یه ، بوروحه سوق ایدرک بر فطوغراف ماکنه سی

حاضرلار ، وبونفرک رستمی موقیته آلیرم . شوقدرکه بوفوطوغرافه مختلف وضعیتلر ویرمک ایچون نه قدر اوغراشسدم ، سعی واهتمام هر زمان بیهوده بر یورغونلقدن عبارت قالیر . اوایلک وضعیت ، اصلا دکشمز ؛ میخلانمش کی ثابت طورر ؛ ینه هپ او بویوک قاپینک ، کیرکن صاغ طرفنده کی غیر متحرک نفر! او ، تکنیکی وجودینه یاشسیدیرمش طوران ، اورته بویلی ، ضعیفجه ، قوری یوزلو ، آزیقلی ، صاری بکزیلی ، کوزلری آلا ، فسفی براز یاک طرفه کیش ، نوبت بکلین او عسکر!.. بوکون حالا اوراده طور یور او نقطه یی - ممکن دکل - ترک ایتیمور . عصرلر کچه ، بو طینب حزین اویری ینه ترک ایتمز! او ، اوراده کندی کندیکن هیکلیدر!...

برکون ینه اوراده نوبت بکلرکن یناغنه برسله ایندی .

اوسله نه قدر مدهش ، نه قدر قوی اولورسه اولسون ، چارپدینی چهره ، برجهه ناموس وهمده یالکز کندیکن دکل ، قوجه برملتک ناموسی ایدی . دیک که او آل برتک کشینک ، ووردینی چهرده اوچ یوز بیک عسکرله اوتوز میلیونلق قوجه برملتک یوزی ایدی! سلهی ووران ، برقورشونله او آنده یرلره سریلدی؛ قورشونی آنان نفرکده بوینده برایپ طاقیلهرق مقامی ترفیع ایدلیدی . او قدرکه ، آسمانه چبقاریلدی!.. سکوت!.. سکوت!.. بومنظر علوی قارشیدسنده آل باغلایهرق سکوت!.. روح پاکنی اینلرله اشغاله لزوم یوقدر . او نفر ، ینه یرنده طور یور! نقطه سی برتورلو براقیور . عصرلر کچرده ، بوروح جانی ، بو طیف حزین ، اویری ینه ترک ایتمز!

او ، اوراده افراد وطننک تمثالی ، کندی کندیکن هیکلیدر...

عصر
علی سعادت

